



KOORDINATORI KOMBËTAR KUNDËR KORRUPSIONIT

RAPORT
MONITORIMI PËR PERIUDHËN
JANAR-MARS 2023

STRATEGJIA NDËRSEKTORIALE
KUNDËR KORRUPSIONIT 2015 – 2023

www.drejtesia.gov.al

TABELA E PËRMBAJTJES

HYRJE

- *Përmbledhje ekzekutive mbi progresin e zbatimit të planit të veprimit për janar-mars 2023*
- *Realizimi i rekomandimeve të lëna për zbatim në raportin vjetor 2023*
- *Metodologjia e hartimit të raportit të monitorimit*
- *Matrica e riskut*
- *Konsultimi publik*

PROGRESI I STRATEGJISË NDËRSEKTORIALE KUNDËR KORRUPSIONIT

- *Masa dhe aktivitete të implementuara me sukses në periudhën përkatëse*
- *Statusi i masave dhe aktiviteteve që kanë realizuar qëllimet e politikave (Qasjet)*
- *Statusi i aktiviteteve që kanë realizuar qëllimet e politikave (Qasjet)*
- *Statusi i masave që kanë realizuar qëllimet e politikave (Qasjet)*
- *Vlerësimi i arritjeve kryesore duke përdorur masat dhe aktivitetet*
- *Histori suksesi (përmes masave priritare)*

EKZEKUTIMI I BUXHETIT

KONKLUZIONE DHE REKOMANDIME

- *Rekomandime*
- *Vlerësimi i sfidave, boshllëqeve dhe joefikasitetit*
- *Vlerësimi i riskut duke përdorur masat dhe aktivitetet*
- *Hapat e rradhës*

LISTA E SHKURTIMEVE

AAPSK	Agjencia e Administrimit të Pasurive të Sekuestruara dhe të Konfiskuara
ADB	Agjencia për Dialog dhe Bashkëqeverisje
AKSHI	Agjencia Kombëtare e Shoqërisë së Informacionit
AKU	Autoriteti Kombëtar i Ushqimit
AMSHC	Agjencia për Mbështetjen e Shoqërisë Civile
AMVV	Agjencia për Mbështetjen e Vetëqeverisjes Vendore
AMP	Agjencia e Mbikqyrjes Policore
AMSHC	Agjencia e Mbështetjes së Shoqërisë Civile
APP	Agjencia e Prokurimit Publik
ASHSGJ	Arkivi Shtetëror i Sistemit Gjyqësor
ATP	Agjencia e Trajtimit të Pronave
AZHBR	Agjencia për Zhvillimin Bujqësor dhe Rural
BKH	Byroja Kombëtare e Hetimit
DNJF	Drejtoria e Ndihmës Juridike Falas
DPB	Drejtoria e Përgjithshme e Burgjeve
DPP	Drejtoria e Përgjithshme e Përmbarimit
DPPSH	Drejtoria e Përgjithshme e Policisë së Shtetit
DPSHP	Drejtoria e Përgjithshme e Shërbimit të Provës
DVP	Drejtoria Vendore e Policisë
GTA	Grupi Tematik për Antikorrupsionin
GMIP	Grupi i Menaxhimit të Integruar të Politikave
ILDKPKI	Inspektoriati i Lartë i Deklarimit dhe Kontrollit të Pasurive dhe Konfliktit të Interesave
IML	Instituti i Mjeksisë Ligjore
KDIMDP	Komisioneri për të Drejtën e Informimit dhe Mbrojtjen e të Dhënave Personale
KKK	Koordinatori Kombëtar Kundër Korrupsionit
KLP	Këshilli i Lartë i Prokurorisë
KQZ	Komisioni Qendror i Zgjedhjeve
KSHB	Komiteti Shqiptar i Birësimit
KSHZ	Komisioni Shtetëror i Zgjedhjeve
MASR	Ministria e Arsimit, Sportit dhe Rinisë
MB	Ministria e Brendshme
MBZHR	Ministria e Bujqësisë dhe Zhvillimit Rural
MD	Ministria e Drejtësisë
MEPJ	Ministria për Evropën dhe Punët e Jashtme
MFE	Ministria e Financave dhe Ekonomisë
MIE	Ministria e Infrastrukturës dhe Energjisë
M&R	Monitorim dhe Performancë
MK	Ministria e Kulturës
MM	Ministria e Mbrojtjes
MSHMS	Ministria e Shëndetësisë dhe Mbrojtjes Sociale
MTM	Ministria e Turizmit dhe Mjedisit

PP	Prokuroria e Përgjithshme
PV	Plani i Veprimit
QBZ	Qendra e Botimeve Zyrtare
OSHC	Organizata të Shoqërisë Civile
SASPAC	Agjencia Shtetërore e Programimit Strategjik dhe Koordinimit të Ndhmës
SNKK	Strategjia Ndërsektoriale kundër Korrupsionit
SPAK	Prokuroria e Posaçme kundër Korrupsionit dhe Krimin të Organizuar
SHÇBA	Shërbimi për Çështjet e Brendshme dhe Ankesat
SHKBB	Shërbimi i Kontrollit të Brendshëm të Burgjeve
TVP	Trajnime të Vijueshme Profesionale
VKM	Vendim i Këshillit të Ministrave
VJC	Vlerësime të Jashtme të Cilësisë
ZRA	Zyra e Rekuperimit të Aseteve

DRAFT

HYRJE

Korrupsioni është një kërcënim për demokracinë, mirëqeverisjen, konkurrencën e ndershme, zhvillimin e qëndrueshëm ekonomik, shoqëror dhe politik të një vendi. Ai pengon rëndë zhvillimin ekonomik, duke krijuar një sistem pabarazie, paragjykimi e nepotizmi, duke shkatërruar besimin e njerëzve tek shteti i tyre, prandaj lufta kundër korrupsionit është sot një nga sfidat parësore të çdo shteti me kulturë demokratike, vizion dhe integritet të lartë. Qeveria ka dhe do vazhdojë në mënyrë të pandalur të ketë një vullnet të palëkundur në luftën kundër korrupsionit, përmes aksioneve parandaluese, masave ndëshkuese dhe aktiviteteve ndërgjegjëse.

Përparësia e qeverisë në fushën e luftës kundër korrupsionit, përkon më së miri me kushtëzimet e vendosura nga Bashkimi Evropian për hapjen e negociatave për anëtarësimin në BE. Lufta kundër korrupsionit është një ndër pesë politikatat të cilat vendi ynë këshillohet t'i ndjekë me përparësi në procesin e integritetit evropian të vendit. Po kështu, parandalimi dhe ndëshkimi i korrupsionit është një detyrim që rrjedh nga aderimi i Shqipërisë në instrumentat ndërkombëtarë për luftën kundër korrupsionit si Konventa e Kombeve të Bashkuara kundër Korrupsionit, Konventa Penale e Këshillit të Evropës kundër Korrupsionit, Konventa Civile e Këshillit të Evropës kundër Korrupsionit, etj.

Prej vitit 2015, Shqipëria ndjek dhe zbaton Strategjinë Ndërsektoriale kundër Korrupsionit. Me Vendimin nr. 516, datë 1.7.2020 të Këshillit të Ministrave afati i zbatimit të SNKK u zgjat deri në vitin 2023. Vizioni i SNKK-së 2015-2023 është: *“Institucione shqiptare transparente dhe me integritet të lartë, që gëzojnë besimin e qytetarëve dhe garantojnë shërbim cilësor dhe të pakorruptueshëm”*. Qëllimet madhore politikës së Strategjisë Ndërsektoriale kundër Korrupsionit janë parandalimi, ndëshkimi dhe ndërgjegjësimi/edukimi rreth korrupsionit. Këto qëllime politikash (qasje) janë afatgjata dhe shtrihen përgjatë kohës së zbatimit të strategjisë dhe planit të veprimit.

Strategjia Ndërsektoriale kundër Korrupsionit, 2015-2023, përmban 18 objektiva specifike, të cilët janë:

Parandalim:

- A.1 Rritja e transparencës në Veprimtarinë Shtetërore dhe përmirësimi i aksesit të qytetarëve në informacion
- A.2 Rritja e transparencës në planifikim, menaxhim dhe kontrollin e fondeve publike
- A.3 Fuqizimi i infrastrukturës elektronike të institucioneve publike
- A.4 Përmirësimi i trajtimit të denoncimeve ndaj korrupsionit
- A.5 Forcimi i regjimit të deklarimit dhe kontrollit të pasurive të zyrtarëve publikë dhe rasteve të konfliktit të interesave
- A.6 Forcimi i regjimit të kontrolleve mbi financimin e partive politike

A.7 Përmirësimi i efikasitetit të auditimit dhe inspektimit të brendshëm dhe përdorimi sistematik i analizave të riskut

A.8 Përdorimi sistematik i mekanizmit të evidentimit të hapësirave për korrupsion

A.9 Forcimi i integritetit të nëpunësve publikë

A.10 Analizimi i prirjeve të korrupsionit, i efektivitetit të masave antikorrupsion dhe përmirësimi i statistikave në lidhje me veprimtarinë e agjencive ligjzbatuese kundër korrupsionit

A.11 Adoptimi i politikave anti-korrupsion në nivelin e qeverisjes vendore

Ndëshkim:

B.1 Përmirësimi i efikasitetit dhe efektivitetit të hetimeve penale kundër korrupsionit

B.2 Përmirësimi i bashkëpunimit midis institucioneve ligjzbatuese në ndjekjen penale dhe ndëshkimin penal të korrupsionit

B.3. Rishikimi i kuadrit ligjor për ndjekjen penale të krimit ekonomik dhe financiar

B.4. Përmirësimi i bashkëpunimit gjyqësor dhe policor ndërkombëtar në luftën kundër korrupsionit.

Ndërgjegjësim:

C.1 Ndërgjegjësimi dhe edukimi i publikut të gjerë mbi pasojat e korrupsionit

C.2 Nxitja e publikut për të përdorur aktivisht mekanizmat për denoncimin e korrupsionit

C.3. Inkurajimi i bashkëpunimit me shoqërinë civile.

Përmbledhje ekzekutive mbi progresin e zbatimit të planit të veprimit për janar-mars 2023

Plani i Veprimit 2020-2023, në zbatim të Strategjisë Ndërsektoriale kundër Korrupsionit, 2015-2023, parashikon masa dhe aktivitete specifike që duhen të realizohen për përmbushjen e këtyre objektivave, sipas afateve të detajuara në të.

Ky raport monitorimi, *janar - mars 2023*, paraqet vetëm realizimin e masave dhe aktiviteteve (produkteve) të Planit të Veprimit. Raporti identifikon progresin dhe ecurinë e zbatimit të masave për këtë periudhë monitorimi, duke marrë në konsideratë dhe vlerësim realizimin e tyre, shkallën e performancës së aktiviteteve të institucioneve që raportojnë aktiviteteve dhe masa në proces zbatimi dhe uljen e numrit të masave të pazbatuara.

Raporti identifikon arritjen e rekomandimeve dhe hapat për zbatimin e tyre, referuar rekomandimeve të lëna në raportin vjetor të monitorimit 2022. Në këtë analizë ofrohet gjithashtu informacioni për të parë relevancën e përmbajtjes së këtij plani veprimi përkundrejt arritjes së indikatorëve të parashikuar në Pasaportën e Indikatorëve, të objektivëve specifikë dhe të qëllimit madhor, atë të arritjes së qëllimeve të politikave (qasjeve) të Strategjisë, parandalim – ndëshkim – ndërgjegjësim.

Ky raport krijon dhe vendos të gjithë infrastrukturën analitike që rekomandimet e lëna të trajtohen në raportet pasardhës.

Për këtë periudhë monitorimi, *janar - mars 2023*, janë mbledhur dhe analizuar të dhëna për 59 masa e 105 aktivitete, të shpërndara përkatësisht në 30 masa e 56 aktivitete për qasjen parandaluese (A), 21 masa e 31 aktivitete për qasjen ndëshkuese (B) dhe 8 masa e 18 aktivitete për qasjen ndërgjegjësuere (C).

Përmes zbatimit të Planit të Veprimit për periudhën *janar - mars 2023*, janë zbatuar plotësisht 34 masa, pjesërisht 17 masa dhe nuk janë zbatuar 8 masa si dhe janë zbatuar plotësisht 66 aktivitete, pjesërisht 12 aktivitete dhe të pazbatuara janë 27 aktivitete.

Në vijim paraqitet realizueshmëria e objektivëve të strategjisë sipas shkallës së realizimit të masave dhe aktiviteteve:

Objektivat		Shkalla e realizimit sipas masave
Parandalimi	A.1 Rritja e transparencës në Veprimtarinë Shtetërore dhe përmirësimi i aksesit të qytetarëve në informacion	51 në 85 për qind e masave të zbatuara
	A.2 Rritja e transparencës në planifikim, menaxhim dhe kontrollin e fondeve publike	86 në 110 për qind e masave të zbatuara
	A.3 Fuqizimi i infrastrukturës elektronike të institucioneve publike	86 në 110 për qind e masave të zbatuara
	A.4 Përmirësimi i trajtimit të denoncimeve ndaj korrupsionit	51 në 85 për qind e masave të zbatuara
	A.5 Forcimi i regjimit të deklarimit dhe kontrollit të pasurive të zyrtarëve publikë dhe rasteve të konfliktit të interesave	86 në 110 për qind e masave të zbatuara
	A.6 Forcimi i regjimit të kontrolleve mbi financimin e partive politike	86 në 110 për qind e masave të zbatuara
	A.7 Përmirësimi i efikasitetit të auditimit dhe inspektimit të brendshëm dhe përdorimi sistematik i analizave të riskut	86 në 110 për qind e masave të zbatuara
	A.8 Përdorimi sistematik i mekanizmit të evidentimit të hapësirave për korrupsion	86 në 110 për qind e masave të zbatuara
	A.9 Forcimi i integritetit të nëpunësve publikë	86 në 110 për qind e masave të zbatuara

	A.10 Analizimi i prirjeve të korrupsionit, i efektivitetit të masave antikorrupsion dhe përmirësimi i statistikave në lidhje me veprimtarinë e agjencive ligjzbatuese kundër korrupsionit	86 në 110 për qind e masave të zbatuara
	A.11 Adaptimi i politikave anti-korrupsion në nivelin e qeverisjes vendore	0 në 30 për qind e masave të zbatuara
Ndëshkimi	B.1 Përmirësimi i efikasitetit dhe efektivitetit të hetimeve penale kundër korrupsionit	51 në 85 për qind e masave të zbatuara
	B.2 Përmirësimi i bashkëpunimit midis institucioneve ligjzbatuese në ndjekjen penale dhe ndërkimimin penal të korrupsionit	51 në 85 për qind e masave të zbatuara
	B.3. Rishikimi i kuadrit ligjor për ndjekjen penale të krimit ekonomik dhe financiar	0 deri në 30 për qind e masave të zbatuara
	B.4. Përmirësimi i bashkëpunimit gjyqësor dhe policor ndërkombëtar në luftën kundër korrupsionit	31 deri në 50 për qind e masave të zbatuara
Ndërgjegjësimi	C.1 Ndërgjegjësimi dhe edukimi i publikut të gjerë mbi pasojat e korrupsionit	86 në 110 për qind e masave të zbatuara
	C.2 Nxitja e publikut për të përdorur aktivisht mekanizmat për denoncimin e korrupsionit	51 në 85 për qind e masave të zbatuara
	C.3. Inkurajimi i bashkëpunimit me shoqërinë civile.	0 deri në 30 për qind e masave të zbatuara

Për këtë periudhë *janar - mars 2023*, janë shënuar arritje në qëllimet e politikës (qasjen) parandaluese (A), ndëshkuese (B) dhe ndërgjegjësuere (C) të zbatimit të strategjisë, më konkretisht përmendim:

1. Komisioneri për të Drejtën e Informimit dhe Mbrojtjen e të Dhënave Personale ka monitoruar $\frac{1}{4}$ e autoriteteve publike qendrore dhe të varësisë. Janë monitoruar 100 nga 313 autoritete publike dhe 16 nga 61 njësi të vetëqeverisjes vendore. Gjithashtu regjistri elektronik i kërkesave dhe përgjigjeve është instaluar në 27 autoritete publike të reja për këtë periudhë raportuese, duke e çuar numrin total në 222 autoritete publike që kanë instaluar regjistrin elektronik. Autoritetet publike vijojnë të pajisen me regjistrin elektronik të kërkesave dhe ankesave në zbatim të të drejtës së informimit, duke plotësuar vlerën e synuar vjetore, prej 25 autoritetesh për vitin 2023, që në këtë 3-mujor të parë të vitit.
2. APP ka hartuar dhe miratuar instrumentat e nevojshëm për monitorimin e zbatimit të kontratave të prokurimit si dhe ka vijuar me forcimin e kapaciteteve të stafit. Është

publikuar një udhërrëfyes orientues për të gjitha autoritetet kontraktore lidhur me zbatimin e prokurimit publik të gjelbër.

3. AKSHI vijon të ofrojë dhe garantojë zbatimin e 1227 shërbime elektronike në portalin unik qeveritar e-Albania. Për të gjitha këto shërbime është kryer një analizë e regjistrave elektronike ndërveprues si dhe janë përcaktuar format e aplikimit. Kryerja e zhvillimeve teknike për ekspozimin e të dhënave nga e-sistemet fundore të institucioneve është realizuar poashtu në harmoni me zhvillimet teknike për të konsumuar webservice-t përkatëse të e-sistemeve dhe është strukturuar informacioni për publikim.
4. Agjencia e Mbikëqyrjes Policore ka realizuar monitorimin dhe gjurmimin e rasteve nëpërmjet përdorimit të Sistemit të Menaxhimit të Çështjes, i është përgjigjur telefonatave të ardhura pranë numrit të gjelbër, ka administruar ankesa, ka zhvilluar hetime dhe në përfundim të kësaj veprimtarie ka sugjeruar fillimin e hetimit disiplinor të punonjësve të trupës së Policisë së Shtetit sipas nivelit të shkeljeve.
5. Ministria e Financave dhe Ekonomisë ka miratuar programin vjetor të TVP për vitin 2023, i cili parashikon që të trajnohen 350 auditues të brendshëm. Është kryer gjithashtu miratimi i planit vjetor të Drejtorisë së Harmonizimit të Auditimit të Brendshëm, përfshirë Vlerësimin e Jashtëm të Cilësisë.
6. Ministria e Drejtësisë vijon të ketë rezultate të qëndrueshme në drejtim të integritetit, edhe gjatë kësaj periudhe raportuese. Në vijim të hartimit dhe miratimit të vlerësimit të riskut të integritetit, hartimin dhe miratimin e Planeve të Integritetit, Ministria e Drejtësisë ka miratuar raportin vjetor të monitorimit 2022 për planin e saj të integritetit, raport i bërë publik në faqen e internetit të MD.
7. Gjatë kësaj periudhe, Bashkia Roskovec i është shtuar bashkive që kanë miratuar Planin e Integritetit, duke e çuar në 22 numrin total të institucioneve të vetqeverisjes vendore, përkthësisht.
8. Drejtoria e Përgjithshme Antikorrupsion në Ministrinë e Drejtësisë, ka proceduar me 19 raporte përfundimtare hetimi administrativ dhe pas analizës së detajuar, ka propozuar 58 masa për fillimin e ecurisë disiplinore, 12 masa për largim nga detyra dhe ka dhënë 63 rekomandime. Gjithashtu, janë konstatuar/dyshuar elementë të veprave penale për disa çështje, konkretisht janë përgatitur 4 kallëzime për ndjekje penale ku janë kallëzuar 14 persona.
9. Ministria e Bujqësisë dhe Zhvillimit Rural dhe institucionet e saj të varësisë, kanë realizuar një numër të lartë inspektimesh gjatë kësaj periudhe raportuese dhe kanë referuar masa administrative për subjektet private të konstatuara në shkelje.
10. Policia e Shtetit vijon bashkëpunimin me partnerët ndërkombëtarë. Gjatë kësaj periudhe janë shkëmbyer gjithësej 163 praktika, nga të cilat: 103 praktika me Interpolin, 38 praktika me Europolin dhe 22 praktika me Departamentin e Marrëdhënieve Ndërkombëtare.
11. Prokuroria e Përgjithshme ka regjistruar 37 procedime me 26 të pandehur dhe ka dërguar për gjykim 46 procedime me 48 të pandehur, për grupveprat në fushën e korrupsionit, çka përbën një rritje prej 64,3 % të procedimeve dërguar për gjykim dhe një rritje prej 60% të

të pandehurve të dërguar për gjykim, krahasuar me të njëjtën periudhë të vitit të kaluar. Gjithashtu shënohet një rritje me 5.8 herë e numrit të të pandehurve të dënuar për këtë grup veprash penale. Prokurorët kanë luajtur një rol aktiv në kryerjen e hetime proaktive dhe/ose me përdorim të mjeteve të posaçme të hetimit në 11 procedime penale, ndaj 42 subjekteve për veprat penale të korrupsionit dhe që lidhen me detyrën.

12. Gjithashtu është nënshkruar një marrëveshje bashkëpunimi për rritjen e efikasitetit në parandalimin dhe mbrojtjen e monedhave nga falsifikimi, si dhe për goditjen e veprimtarisë kriminale në këtë fushë, mes Prokurorisë së Përgjithshme, Bankës së Shqipërisë dhe Ministrisë së Brendshme, e cila përcakton mënyrat e bashkëpunimit ndërmjet palëve për rritjen e efektivitetit, aftësisë dhe bashkëveprimit ndërinstytucional kundër falsifikimit të monedhave, si dhe goditjen e veprimtarisë kriminale në këtë fushë.
13. Ministria e Drejtësisë, në cilësinë e Koordinatorit Kombëtar Kundër Korrupsionit ka vijuar edhe me organizimin e aktiviteteve edukuese dhe ndërgjegjësuese. Është zhvilluar kështu, fushata e parë publike për vitin 2023, duke promovuar rrjetin e koordinatorëve antikorrupsion, si një mekanizëm i sigurtë i luftës ndaj korrupsionit në përballjen e qytetarit me administratën publike. Në rrjetet e komunikimit të Drejtorisë së Përgjithshme Antikorrupsion, Facebook, Twitter dhe LinkedIn, janë shfaqur një seri me 15 video udhëzuese dhe ndërgjegjësuese për të nxitur qytetarët duke denoncuar praktikën dhe abuzimet në institucionet publike, pjesë e Rrjetit të Koordinatorëve antikorrupsion. Këto video informuese, synojnë të promovojnë mekanizmin e raportimit të rasteve të dyshuara të korrupsionit, pranë koordinatorëve kundër korrupsionit.
14. Gjithashtu janë kryer dhe shpërndarë e-buletini mujor i muajit janar, shkurt dhe mars 2023, me një përmbledhjeve të gjithë projekteve, aktiviteteve dhe fushatave publike që ka kryer Koordinatorit Kombëtar Kundër Korrupsionit.

Realizimi i rekomandimeve të lëna për zbatim në raportin vjetor 2022

Për këtë periudhë *janar - mars 2023*, ka një ecuri dhe përmirësim në kryerjen e masave dhe aktiviteteve me qëllim plotësimin e rekomandimeve të dhëna në raportin e mëparshëm të monitorimit (raporti vjetor 2022).

Vihet re një trend rritës dhe konsolidimi i rezultateve të qasjes ndëshkuese të Drejtorisë së Përgjithshme Antikorrupsion dhe Agjencisë së Mbikëqyrjes Policore. Gjithashtu AMVV ka kryer një përparim të lehtë gjatë kësaj periudhe monitorimi, në drejtim të forcimit të maknizmave të integritetit në Njësitë e Vetqeverisjes Vendore, duke rritur koordinimin me to për hartimin dhe zbatimin e instrumenteve të integritetit, çka ka rezultuar me miratimin e Planit të Integritetit për një bashki shtesë gjatë kësaj periudhe monitorimi.

Prokuroria e Përgjithshme vetëm për këtë periudhë raportuese, ka shënuar një rritje me 5.8 herë të numrit të të pandehurve të dënuar për grup veprat penale të korrupsionit, në krahasim me të njëjtën periudhë të vitit të kaluar. Në dallim nga të dhënat e monitoruara në raportete kaluara të monitorimit, prokurorët kanë luajtur një rol aktiv në kryerjen e hetime proaktive dhe/ose me

përdorim të mjeteve të posaçme të hetimit në 11 procedime penale, ndaj 42 subjekteve për veprat penale të korrupsionit.

Nga ana tjetër vijon të mbetet në proces ngritja e Zyrës së Rikuperimit të Aseteve.

Ende nuk ka zhvillime të reja sa i takon rekomandimit mbi rritjen e kontrollit dhe transparencës së financave të partive politike, duke përfunduar auditimi i raporteve financiare të partive politike dhe dhënia e informacionit për sanksione të mundshme financiare për to, si dhe rekomandimit për Ministrinë e Financave dhe Ekonomisë e cila do duhet të gjejë mundësi dhe burime të bashkëpunimit për hartimin dhe vënien në zbatim të akteve si udhëzuesi për audituesit e brendshëm në auditimin e mashtrimit financiar dhe korrupsionit.

Agjencia për Mbështetjen e Shoqërisë Civile mbetet ende në pritje që të plotësojë mungesat në drejtim të nxitjes së projekteve sipas kategorive të përcaktuara në Planin e Veprimit si dhe të përcaktojë një buxhet për mbështetjen e Projekteve të antikorrupsionit nga OSHC-të.

Në këtë periudhë raportimi, vijon të mbetet sfidë moszbatimi i disa prej masave dhe aktiviteteve në objektivat B.3 dhe C3 (dhe/ose për të cilat raportimi nuk është arritur të mblidhet i plotë).

Krahasuar me periudhën *janar - dhjetor 2022*, që i përket periudhës së fundit të procesit të monitorimit, vihet re një trend rënës kryesisht në zbatimin e atyre masave dhe aktiviteteve të parashikuara për objektive në të tre qëllimet e politikave (qasje) të SNKK, parandaluese – ndëshkuese – ndërgjegjësuere. Kështu qasja Parandaluese (A) shfaq një trend zbritës me 5.45%, Qasja Ndëshkuese (B) shfaq një trend zbritës me 24.13% dhe Qasja Ndërgjegjësuere (C) shfaq një trend zbritës me 2.74%. Për çdo rast duhet marrë në konsideratë që vlerësimi i të tre qasjeve në këtë periudhë monitorimi është mbështetur vetëm tek masat dhe aktivitetet për zbatimin, dhe jo tek shkalla e arritjes së treguesit.

Për këtë periudhë raportimi vijnë të adresohen si sfidë kryesore në zbatimin e planit të veprimit, çështje si:

- Identifikimi i problematikave dhe hapave të rradhës në aktivitetet që rezultojnë në statusin “Zbatuar pjesërisht” ose “Të pazbatuara”.
- Forcimi i kapaciteteve institucionale sipas nevojave të evidentuara nga institucionet përgjegjëse.
- Raportimi i buxhetit të përdorur për çdo aktivitet të realizuar.
- Kostimi dhe buxhetimi i aktiviteteve që raportohen të realizuara, të cilat kanë një impakt të drejtpërdrejtë në llogaritjen totale të buxhetit të zbatimit të strategjisë për këtë periudhë monitorimi.
- Mundësimi i ngritjes dhe funksionimit të një institucioni si Zyra e Rikuperimit të Aseteve.
- Plotësimi i mungesave nga AMSHC në drejtim të nxitjes së projekteve sipas kategorive të përcaktuara në Planin e Veprimit si dhe të përcaktojë një buxhet për mbështetjen e Projekteve të antikorrupsionit nga OSHC-të.

- Një bashkëpunim ende jo eficient dhe mungesa e koordinimit mes organeve të drejtësisë dhe institucioneve të tjera, siç janë organet e kontrollit të brendshëm, institucionet financiare, dhe organizatat e shoqërisë civile.
- Fuqizimi i mëtejshëm i kapaciteteve të organeve që ushtrojnë ndjekjen penale për të zhvilluar hetimet dhe ndjekur procedurat penale në rastet e korrupsionit, duke sofistikuar metodat e veçanta.
- Forcimi i qasjes ndëshkuese, zbatimi efektiv i hetimeve dhe ndjekja e procedurave penale përmes ekspertizës të specializuar, kapaciteteve të mjaftueshme dhe burimeve të disponueshme.
- Krijimi i proceseve të hapura dhe transparente në hartimin e politikave dhe ligjeve me qëllim krijimin e legjislacionit të mirë dhe për të mbështetur dhe realizuar nevojat institucionale në marrëveshjet shumëpalëshe të bashkëpunimit, duke pasuruar edhe diversitetin e pikëpamjeve në hartimin e politikave.

1.1 Metodologjia e monitorimit

1.1.1 Koordinimi institucional për hartimin e Raportit të Monitorimit dhe Performancës

Në zbatim të Vendimit të Këshillit të Ministrave Nr.618, datë 20.10.2021 dhe Urdhrit të Kryeministrit Nr.128, datë 08.11.2021, është miratuar struktura dhe organika e Ministrisë së Drejtësisë dhe është ngritur Sektori i Planifikimit dhe Monitorimit Strategjik në Fushën Antikorrupsion, pranë Drejtorisë së Programeve dhe Projekteve Antikorrupsion, e cila është struktura përgjegjëse për procesin monitorues dhe për hartimin e raporteve periodike të monitorimit të Strategjisë Ndërsektoriale Kundër Korrupsionit, 2015 - 2023.

Ministria e Drejtësisë kryen koordinimin dhe organizimin e takimeve me të gjitha institucionet kontribuese, si dhe më pas vijon me hartimin e raportit të monitorimit. Raporti i monitorimit të dokumentit strategjik (SNKK) për periudhën 1 janar deri më 31 mars 2023 është hartuar mbi bazën e kontributit të dhënë nga institucionet përgjegjëse dhe kontributore të planit të veprimit.

1.1.2 Periodiciteti i hartimit të Raportit të Monitorimit dhe Performancës

Ministria e Drejtësisë do të hartojë raporte tremujore, gjashtëmujore dhe vjetore për monitorimin dhe raportimin e dokumenteve strategjike, të cilët do të prodhojnë informacion të nevojshëm dhe në kohë për politikëbërësit mbi progresin e zbatimit të masave që janë parashikuar në planin e veprimit të SNKK-së.

1.1.3 Manuali i Raportimit sipas sistemit IPSIS

Ministria e Drejtësisë do të hartojë raportin e monitorimit dhe të performancës për periudhën përkatëse sipas manualit të hedhjes së të dhënave në sistemin IPSIS. Sipas këtij dokumenti strategjik, secili institucion raporton mbi nivelin e zbatimit të çdo objekti dhe mase, mbi buxhetin e caktuar, problemet e hasura dhe vlerësimin e progresit të strategjisë në përgjithësi.

Bashkëndimi për respektimin e manualit të hedhjes së të dhënave në sistemin IPSIS do të kryhet me Agjencinë SASPAC.

1.1.4 Përputhshmëria e raporteve të monitorimit dhe performancës me parimet e Mirëqeverisjes

Ministria e Drejtësisë do të hartojë raportin e monitorimit dhe të performancës për periudhën përkatëse në përputhje me parimet e mirëqeverisjes.

Parimet e Mirëqeverisjes përmbajnë një kornizë të vlerësimit të Raporteve të Monitorimit dhe të Performancës e cila mundëson analizën e rregullt të progresit të arritur në zbatimin e Parimeve dhe caktimin e standardeve që duhet të përmbush vendi.

Parimet janë të hartuara për vendet që duan të anëtarësohen në BE dhe që marrin ndihmë nga BE-ja përmes Instrumentit të Para-Anëtarësimit (IPA). Kushtet e *acquis*, si dhe direktivat dhe udhëzimet e tjera të BE-së, janë thelbi i Parimeve në fushat ku ekzistojnë *acquis*. Në fushat e tjera, parimet rrjedhin nga standardet dhe kërkesat ndërkombëtare, si dhe nga praktikrat e mira në shtetet anëtare të BE-së dhe në vendet e OECD-së. Si standard minimal për një administratë të mirë të orientuar drejt performancës, vendet duhet të sigurojnë respektimin e këtyre parimeve themelore. Bashkëndimi për vlerësimin e raportit të monitorimit¹ dhe të performancës lidhur me përmbushjen e këtyre parimeve do të kryhet me Njësinë e Mirëqeverisjes, Departamenti i Politikave dhe Mirëqeverisjes në Kryeministri.

1.1.5 Mekanizimi i Integruar i Politikave

Në zbatim të Urdhrit të Kryeministrit nr.157, datë 22.10.2018 “*Për marrjen e masave për zbatimin e qasjes së gjerë sektoriale/ndërsektoriale, si dhe ngritjen dhe funksionimin e Mekanizmit sektorial/ndërsektorial të integruar*”, janë krijuar 8 Grupe Tematike, të cilat janë pjesë e Grupit të Menaxhimit të Integruar të Politikave (GMIP) për Mirëqeverisjen dhe Administrimin Publik. Konkretisht, për Ministrinë e Drejtësisë është ngritur Grupi Tematik Antikorrupsion (GTA).²

GMIP do të sigurojë një strukturë të menaxhimit të nivelit të lartë, lidhur me:

- vendimmarrjen politike dhe menaxheriale të nivelit të lartë në planifikimin dhe monitorimin e reformave sektoriale, politikave dhe kuadrit strategjik;
- koordinimin e planifikimit, programimit dhe monitorimit për sektorët e përfshirë, nëpërmjet organizimit të dialogut të rregullt me partnerët për zhvillim;
- ofrimin e mbështetjes në kuadrin e procesit të anëtarësimit në Bashkimin Evropian;
- dialogun qeveritar mbi politikat me partnerët për zhvillim, qeverisjen vendore, shoqërinë civile dhe sektorin privat, zbatimin e masave brenda fushës dhe sektorëve përkatës dhe promovimin dhe mbështetjen e iniciativave të koordinuara.

¹ Para se raporti i monitorimit dhe performancës të aprovohet në strukturat vendimmarrëse

² Këtë rol e luan Komiteti Koordinator për zbatimin e Strategjisë Ndërsektoriale Kundër Korrupsionit.

1.1.6 Fazat për hartimin e Raportit të Monitorimit dhe Performancës

Fazat që do të ndiqen për përgatitjen dhe konsolidimin e raportimit dhe monitorimit të performancës, paraqiten si më poshtë:

Faza 1: dërgimi i kërkesës për kontribut në datën 4 prill 2023 për të gjitha institucionet raportuese dhe konsolidimi i paketës në përputhje me standardet e sistemit IPSIS dhe Parimet e Mirëqeverisjes;

Faza 2: dërgimi i paketës së plotë për vlerësim më datë 12.06.2023 pranë Njesisë e Mirëqeverisjes, Departamenti i Politikave dhe Mirëqeverisjes në Kryeministri për vlerësim të raportit të performancës në përputhje me parimet e mirëqeverisjes.

Faza 3: konsolidimi i paketës pas marrjes dhe reflektimit të komenteve të sjella nga Njësia e Mirëqeverisjes, Departamenti i Politikave dhe Mirëqeverisjes në Kryeministri;

Faza 4: organizimi i mbledhjes së GTA-së më datë 20.06.2023 për konsultimin e paketës së konsoliduar, marrjen e komenteve nga aktorët, si dhe miratimi i tij;

Faza 5: reflektimi i komenteve dhe finalizimi i paketës së raportit të monitorimit dhe performancës;

Faza 6: publikimi i raportit 3 muajor në faqen zyrtare të Ministrisë së Drejtësisë;

Faza 7: dërgimi i procedurave (minutat e takimit, konkluzionet operationale, raporti i konsultimit publik) të mbledhjes së GTA-së dhe paketa finale, së bashku me linkun për njohje Njesisë së Mirëqeverisjes, Departamenti i Politikave dhe Mirëqeverisjes në Kryeministri.

Faza 8: dërgimi i procedurave (minutat e takimit, konkluzionet operationale, raporti i konsultimit publik) të mbledhjes së GTA-së dhe paketa finale, së bashku me linkun për njohje Agjencisë SASPAC.

1.1.7 Parimet e Mirëqeverisjes që do të merren në konsideratë për hartimin e Raportit të Monitorimit dhe Performancës

Raporti i Monitorimit dhe Performancës do të zbatohet parimet e mirëqeverisjes që do të duhet të ndiqen në zbatimin e një sistemi të mirë dhe efektiv të M & R-së:

- **EFIKASITETI:** Agregimi i niveleve të dokumenteve. Ky parim duhet të lejojë shfrytëzimin e sinergjive mes raporteve të dokumenteve të ndryshme. Nëse dokumentet janë të lidhura ngushtë në aspektin e përmbajtjes, atëherë sistemi i M & R-së duhet ta marrë këtë parasysh për të mundësuar zhvillimin e mëtejshëm të njëri-tjetrit dhe jo mbivendosjen e njëri-tjetrit. Elementet bazë të raporteve të M & R-së (p.sh. objektivat, aktivitetet, indikatorët) në dokumentin e nivelit më të ulët do të zhvillohen drejt përmbajtjes së M & R-së në dokumentet e nivelit në të lartë. Duhet të merren parasysh lidhjet. Ky parim duhet të përmirësojë frekuencën dhe përmbajtjen e raporteve të M & R-së.
- **LLOGARIDHËNIA:** Respektimi i përmbajtjes së dokumenteve të planifikimit. Raportet e monitorimit duhet të përqendrohen në elementet e dokumenteve të planifikimit për të siguruar llogaridhënie lidhur me reformat dhe ndërhyrjet e planifikuara.

- **RËNDËSIA:** Respektimi i nevojave të përdoruesve të monitorimit dhe performancës. Raportet e M & R-së duhet të jenë të përshtatura për nevojat e përdoruesit në aspektin e përmbajtjes, gjatësisë dhe frekuencës. Për më tepër, raportet duhet të japin llogari për arritjen e rezultateve në mënyrë të verifikueshme dhe në raport me treguesit SMART.

Komponentët kryesorë që Raportet e Monitorimit dhe Performancës do të vlerësohen për përputhshmërinë me Parimet e Mirëqeverisjes lidhen me komponentët e mëposhtëm:

Qasja analitike e strukturuar bazuar në evidenca dhe konsultim

- Informacioni i dhënë shpjegon kuadrin metodologjik në përputhje me procedurat dhe standartet e sistemit.
- Progresi ndaj secilit qëllim politik dhe objektivi specifik të strategjisë bazuar në tregues si dhe zbatimin e reformave kryesore në sektor është paraqitur qartë.
- Shkalla në të cilën palët kryesore të interesit janë përfshirë në procesin e hartimit të raportit dhe raporti i monitorimit është konsultuar me të gjithë grupet si dhe publikuar në webin respektiv të institucionit (evidencë kryesore është raporti i konsultimit publik për procesin si dhe evidentimi që komentet janë marrë në konsideratë).
- Shkalla e paraqitjes analitike të zhvillimeve të sektorit globalisht ose në rajon.
- Shkalla e paraqitjes analitike të zbatimit të strategjisë me efekte në axhendën e integritit evropian.
- Shkalla e paraqitjes analitike lidhur me identifikimin e fushës e cila adresohet për përmirësim si dhe efektet në ekzekutimin përgjithshëm të buxhetit.

Progresi i arritur vs qëllimet e politikave, objektivat specifike dhe masat

- Shkalla në të cilën progresi shpreh qartë vlerësimin e arritjeve kryesore duke përdorur treguesit e performancës. Është vlerësuar analiza përmes grafikëve, dashboards, analizës së thelluar dhe vizualisht përmes tabelave). Gjithashtu paraqitet qartë identifikimi i shkallës së performancës.
- Shkalla në të cilën progresi adreson vlerësimin e sfidave, boshllëqeve dhe jo efikasitetit (identifikohet qartë në raportin e monitorimit se cilat fusha (bazuar në qëllimet e politikave / objektivat specifike) tregojnë performancën më të dobët/jo rezultative, vs performancën më të lartë të objektivave, duke përdorur treguesit e rezultateve, përmes grafikëve, dashboards, analizës së thelluar dhe vizualisht përmes tabelave.
- Konkulzionet dhe rekomandimet janë të bazuara në përputhje me evidencat e raportit dhe japin masa konkrete për korrigjime/përmirësim për t'u adresuar në vendimmarrje.

Performanca e kategorizuar sipas standarteve

- Përcaktimi i nivelit të arritjes së objektivit të secilit tregues të performancës është identifikuar. Është kryer mbledhja e të dhënave të disponueshme. Është llogaritur norma e realizimit të treguesit: 1) vlera e synuar, 2) vlera bazë dhe 3) të dhënat për arritjen e synimit.

- Niveli i arritjes së objektivit është përcaktuar. Gjithashtu është llogaritur norma mesatare e zbatimit të të gjithë treguesve të performancës lidhur me çdo objektiv të veçantë. (është kryer hedhja e të dhënave të niveleve të realizimit të çdo treguesi të lidhur me performancën dhe pjesëtimin me numrin e treguesve të performancës)
- Niveli i përcaktimit të shkallës së realizimit të objektivit për një nga katër (4) intervalet e sistemit të performancës është kryer dhe analizuar. Gjithashtu Intervali është përcaktuar në bazë të nivelit të tolerancës. (i.dobët, ii. Mjaftueshëm, iii. Mirë, iv. Shumë mirë, v.Tejkualuar)

Risqet

- Shkalla në të cilën identifikohen risqet në nivel qëllimi politike dhe objektiv specifik në zbatim të Ligjit Nr.10 296, datë 08.07.2010 “Për menaxhimin financiar dhe kontrollin”.
- Shkalla në të cilën analizohen risqet në nivel qëllimi politike dhe objektiv specifik.
- Vlerësimi i riskut është kryer në përputhje me kategorizimet i.ulët; ii. mesëm dhe iii.lartë.
- Vlerësimi i mundësisë së ndodhjes së riskut është kryer në përputhje me kategorizimet i.ulët; ii. mesëm dhe iii.lartë.

Analizat financiare

- Shkalla e analizës së kryer lidhur me (i) në buxhetin e përdorur në periudhën e monitorimit, (ii) hendekun e financimit dhe (iii) nevojat e ardhshme.
- Analiza e buxhetit të përdorur është analizuar e lidhur me programet buxhetore (identifikohen saktë numri total i programeve buxhetore) në tre (3) nivele: (i) qëllimi i politikave (ii) objektivi specifik (iii) masat/ produktet si dhe totali për strategjinë.
- Shkalla e analizës financiare është kryer ku janë identifikuar dhe shkaqet e mungesës së fondeve dhe se si ky hendek do të trajtohet në të ardhmen.

Plani i Veprimit

- Plani është zbërthyer në realizueshmërinë e masave/produkte/aktivitete.
- Janë identifikuar institucionet zbatuese dhe kodet referuese për programet buxhetore.
- Janë identifikuar qartë periudha e realizueshmërisë.
- Institucionet e tjera/bashkëpunuese janë identifikuar.
- Masat/produktet janë të përputhura me produktet e programeve buxhetore (identifikohen qartë programet buxhetore)

1.1.8 Procedura për analizimin e të dhënave për raportin e monitorimit dhe performancës

Analiza e të dhënave është bërë në përputhje me parimet e mirëqeverisjes dhe strukturës vlerësuese për arritjen e performancës në Kryeministri.

Së pari është analizuar zbatimi i masave duke dhënë një rezultat sasior dhe cilësor të realizimit të tyre përkundrejt kryerjes së aktiviteteve respektive të lidhura me to.

Së dyti, është analizuar arritja e vlerës së synuar për këtë periudhë e përcaktuar në treguesit e performancës, duke vlerësuar gjithashtu edhe shkallën e ndikimit të masave të realizuara në arritjen e vlerës së synuar.

Së treti është analizuar realizimi i objektivëve specifike përmes përlllogaritjes së realizimit të treguesve të performancës dhe përqindjes së masave të lidhura me objektivin përkatës të realizuara.

Zbatueshmëria e masave dhe aktiviteteve të Planit të Veprimit klasifikohet me vlerat si më poshtë:

E zbatuar: është raportuar statusi “E zbatuar” për ato masa/aktivitete të cilat janë përmbushur.

Pjesërisht e zbatuar/Në proces: është raportuar statusi “Në proces” për ato masa/aktivitete, të cilat në periudhën e raportimit kanë pasur zbatim të pjesshëm dhe/apo që vijojnë të jenë në zbatueshmëri prej tyre.

E pazbatuar: Të pazbatuara janë raportuar ato masa/aktivitete të cilat nuk kanë regjistruar zhvillim për periudhën raportuese si dhe gjithashtu ato masa/aktivitete për të cilat nuk ka pasur progres.

Për përlllogaritjen e realizimit të objektivëve specifike sipas arritjes së masave të planifikuara për zbatim në këtë periudhë, është përdorur formula si më poshtë³:

$$NR = \frac{TP\ 1\ NR + TP\ 2\ NR}{2\ TP} \times 100\%$$

Përlllogaritja e realizimit të objektivit përkundrejt zbatimit të masave është kryer në bazë të 4 intervaleve të sistemit të performancës si në tabelën dhe kodin e ngjyrave më poshtë:⁴

Kategoria	Niveli i Tolerancës	Pikët (110)
Dobët	Nga 0 deri në 30 për qind e masave të realizuara	30
Mjaftueshëm	Nga 31 në 50 për qind e masave të realizuara	20
Mirë	Nga 51 në 85 për qind e masave të realizuara	35
Shumë mirë	Nga 86 në 110 për qind e masave të realizuara	25
Tejkaluar	111 dhe më lart	N/A

Niveli tjetër i analizës është realizuar sipas qëllimeve të politikës. Bazuar në të dhënat e realizueshmërisë për secilin nivel analitik (masa, tregues performance, objektiv specifik) është vlerësuar secili nga katër qëllimet e politikave: 1. Funkionimi i plotë dhe profesional i institucioneve të qeverisjes së sistemit të drejtësisë në përputhje me kërkesat kushtetuese dhe ligjore dhe standardet Evropiane, duke garantuar pavarësinë, efijencën dhe llogaridhëniën; 2.

³ Formula e përlllogaritjes është marrë nga guida metodologjike e hartimit të raporteve të monitorimit të dokumenteve strategjike IPSIS.

⁴ Vlerësim është realizuar në përputhje me Guidën Metodologjike “Struktura e raporteve të monitorimit për dokumentet strategjike sektoriale dhe ndërsektoriale për agjendën e mirëqeverisjes”.

Fuqizimi i transparencës, efikasitetit të gjyqësorit dhe aksesit në drejtësi në përputhje me kërkesat kushtetuese, ligjore dhe standardet evropiane; 3. Një Sistem i Drejtësisë Penale i mbështetur në parimet moderne evropiane të drejtësisë, që garanton risocializimin, riintegrimin dhe rehabilitimin, si dhe respektimin e të drejtave dhe lirive të njeriut dhe barazisë gjinore brenda një qasjeje të integruar dhe me praktika solide të parandalimit të krimit; 4. Koordinimi, manaxhimi efikas dhe efektiv i sistemit të drejtësisë në të gjithë institucione e sektorit.

Matrica e Riskut

Në raportin e monitorimit vlerësohet identifikim i risqeve me qëllim identifikimin e hapave që do të duhen të ndiqen për t'u adresuar në kuadër të implementimit të objektivëve të Strategjisë Ndërsektoriale Kundër Korrupsionit.

Vlerësimi i riskut është kryer në përputhje me tabelën më poshtë⁵:

Mundësia	E lartë	3	6	9
	E mesme	2	5	8
	E ulët	1	4	7
	E ulët		E mesme	E lartë
	Ndikimi			

1.1.9 Konsultimi publik i raportit të monitorimit dhe performancës

Në përputhje me kriteret ligjore për konsultimin publik, pas hartimit të draft raportit, Ministria e Drejtësisë e dërgoi në datën 09.05.2023 dokumentin për konsultim të parë pranë institucioneve raportuese, si dhe me datë 30.5.2023 vijoi me konsultimin e draftit të dytë dhe publikoi draftin në faqen zyrtare të Ministrisë së Drejtësisë, ku caktohet dhe një adresë elektronike për marrjen e komenteve, në faqen e internetit www.drejtesia.gov.al, në menu prioritete/strategjia ndërsektoriale/strategjia ndërsektoriale kundër korrupsionit. Në përfundim të procesit konsultues,

⁵ Analiza dhe vlerësimi i riskut është kryer referuar Guidës Metodologjike për hartimin e raporteve të monitorimit për Agjendën e Mirëqeverisjes.

Ministria e Drejtësisë kreu reflektimin e komenteve/sugjerimeve relevante mbi draft raportin e monitorimit dhe vijoi me zhvillimin e një takimi të dedikuar datë 20 qershor 2023, në kuadër të diskutimit të analizës së kryer, gjetjeve të raportit, vlerësimit të qëllimeve të politikës në prezencë të të gjithë institucioneve zbatuese dhe raportuese të planit të veprimit.

Raporti i konsultimit publik të raportit të monitorimit publikohet gjithashtu në faqen e internetit të ministrisë, www.drejtesia.gov.al.

PROGRESI I STRATEGJISË NDËRSEKTORIALE KUNDËR KORRUPSIONIT

Strategjia Ndërsektoriale kundër Korrupsionit 2015-2023 ka si synim arritjen e objektivave madhorë të kësaj strategjie nëpërmjet realizimit të masave konkrete antikorrupsion, me qëllim zhvillimin e një shoqërie në të cilën ekziston një sistem i përgjegjshëm dhe efikas kundër korrupsionit, i cili është në gjendje për të përfituar rezultate të prekshme dhe të tregojë tendencë drejt eliminimit maksimal të kërcënimeve të korrupsionit, si dhe vullnetit për të parandaluar dhe luftuar korrupsionin. Për të monitoruar ecurinë e SNKK 2015-2023, është hartuar raporti periodik i rradhës, në kuadër të zbatimit të Planit të Veprimit 2020-2023, i cili mbulon periudhën *1 janar deri më 31 mars 2023*.

Masa dhe aktivite të implementuara me sukses në periudhën përkatëse

Qëllimet e politikave (qasjet) dhe objektivat specifikë bëhen të realizueshëm nëpërmjet masave dhe aktiviteteve të parashikuara (produkte), të parashikuara për zbatim, nga institucionet përgjegjëse edhe bashkëpunëtore të Strategjisë dhe të Planit të Veprimit.

SNKK ka **tre qëllime kryesore politikash** (qasje) përmes të cilave synon të përmbushë vizionin e saj dhe 18 objektiva specifikë.

Duke aplikuar të njëjtën formulë⁶ të vlerësimit të shkallës së realizimit të objektivave – duke mbledhur realizueshmërinë në përqindjes të qëllimeve të politikës dhe pjestuar me numrin e tyre – realizueshmëria e qëllimit strategjik ndërinstytucional kundër korrupsionit është 63.24%.

Qasja Parandaluese (A)	84.69%
Qasja Ndëshkuese (B)	50.87%
Qasja Ndërgjegjësuese (C)	54.16%

Në këtë raport monitorimi vërehen arritje të rëndësishme për disa institucione dhe është kryer poashtu një krahasim i realizueshmërisë së të tre Qëllimeve të Politikës I, II e III (Qasja Parandaluese A-B-C) përkundrejt monitorimit të kryer në të njëjtën periudhë të një viti më parë *janar - mars 2022*. Krahasuar me monitorimin e kryer në këtë raport, Qasja Parandaluese (A) shfaq

⁶ Shiko footnote 3.

një trend të lehtë zbritës me 1.81%, Qasja Ndëshkuese (B) shfaq një trend rritës me 20.04% dhe Qasja Ndërgjegjësuere (C) shfaq një trend zbritës me 12.50%.

Konkretisht sipas 18 objektivave specifike, niveli i realizueshmërisë për këtë periudhë monitorimi sipas masave dhe aktiviteteve për zbatim për periudhën e monitorimit, është si më poshtë:

Qasja A	Realizueshmëria
A.1	66.66%
A.2	100%
A.3	100%
A.4	62.5%
A.5	100%
A.6	100%
A.7	90%
A.8	87.5%
A.9	100%
A.10	100%
A.11	25%

Qasja B	Realizueshmëria
B.1	71%
B.2	70%
B.3	25%
B.4	37.5%

Qasja C	Realizueshmëria
C.1	87.5%
C.2	75%
C.3	0%

Plani i Veprimit 2020 – 2023, për vitin 2023 parashikon zbatimin e 120 aktiviteteve e 73 masave, të shpërndara përkatesisht në 64 aktivitete e 37 masa për Qëllimin e Politikës I (qasjen parandaluese A), 32 aktivitete e 22 masa për Qëllimin e Politikës II (qasjen ndëshkuese B) dhe 24 aktivitete e 14 masa për Qëllimin e Politikës III (qasjen ndërgjegjësuere C).


Për këtë periudhë monitorimi, *janar - mars 2023*, rezulton se janë parashikuar për zbatim 105 aktivitete dhe 59 masa, nga të cilat: 101 aktivitete e 56 masa janë vijuese/në vazhdim nga periudha e vitit të mëparshëm (2022), 4 aktivitete dhe 3 masa janë të reja/që kanë filluar zbatimin në këtë tre-mujor të parë të vitit 2023.

Qëllimet e Politikës (Qasja)	Aktivitetet dhe Masat	Aktivitete dhe Masa, janar - mars 2023			
		Aktivitete dhe Masa të parashikuara	Aktivitete dhe Masa të parashikuara	Aktivitete dhe Masa në vijim ⁷	Aktivitete dhe Masa të reja ⁸

⁷ Aktivitete dhe masa që e kanë nisur zbatimin në periudhat e mëparshme të vitit 2022 dhe vazhdojnë zbatimin e tyre dhe në këtë tre-mujor të 2022.

⁸ Aktivitete dhe masa që e nisin zbatimin e tyre në këtë tre-mujor të 2022.

		për vitin 2023	për 3M1 2023		
Parandaluese	Masa	38	30	29	1
	Aktivitete	65	56	55	1
Ndëshkuese	Masa	23	21	19	2
	Aktivitete	32	31	29	2
Ndërgjegjësuere	Masa	12	8	8	0
	Aktivitete	23	18	17	1
Total	Masa	73	59	56	3
	Aktivitete	120	105	101	4



Statusi i masave dhe aktiviteteve që kanë realizuar qëllimet e politikave (qasjet):

Progresi total i arritur në kuadër të përmbushjes së tre qëllimeve të politikës (qasjeve) të strategjisë lidhur me statusin e zbatimit të aktiviteteve dhe masave është si më poshtë:

- 34 masa e 66 aktivitete të zbatuara;
- 17 masa e 12 aktivitete ende në proces zbatimi;
- 8 masa e 27 aktivitete të pazbatuara (përfshirë edhe masat e paraportuara të monitorimit).

Përsa më sipër, nga **34 masa e 66 aktivitete të zbatuara** për tremujorin e parë të vitit 2023, konkretisht 19 masa/43 aktivitete i përkasin qasjes parandaluese (A), 11 masa/15 aktivitete i përkasin qasjes ndëshkuese (B), si dhe 4 masa/8 aktivitete i përkasin qasjes ndërgjegjësuese (C).


Nga **17 masa e 12 aktivitete të cilat janë ende në proces zbatimi** për tremujorin e parë të vitit 2023, konkretisht 10 masa/6 aktivitete i përkasin qasjes parandaluese (A), 5 masa/4 aktivitete i përkasin qasjes ndëshkuese (B), si dhe 2 masa/2 aktivitete i përkasin qasjes ndërgjegjësuese (C).

Nga **8 masa e 27 aktivitete të pazbatuara** për tremujorin e parë të vitit 2023, konkretisht 1 masë/ 7 aktivitete i përkasin qasjes parandaluese (A), 5 masa/ 12 aktivitete i përkasin qasjes ndëshkuese (B), si dhe 2 masa/ 8 aktivitete i përkasin qasjes ndërgjegjësuese (C).

Statusi i aktiviteteve që kanë realizuar qëllimet e politikave (qasjet):

Nga totali prej 105 aktiviteteve të parashikuara për zbatim në *janar - mars 2023*, 56 prej tyre i përkasin Qasjes A, 31 aktivitete i përkasin Qasjes B, si dhe 18 aktivitete Qasjes C.

Statusi i aktiviteteve në Planin e Veprimit 2020 - 2023, për periudhën janar-mars 2023				
Progresi i aktiviteteve	Qasja A (Parandaluese)	Qasja B (Ndëshkuese)	Qasja C (Ndërgjegjësuese)	Totali i Qasjeve
Zbatuar	43	15	8	66
Në proces	6	4	2	12
Pazbatuar	7	12	8	27
Totali	56	31	18	105




Rezultoni se nga 105 aktivitete të parashikuara për periudhën *janar - mars 2023*, aktivitete në vijim dhe të reja, statusi i tyre për të 3 qasjet është raportuar si më poshtë:

- 66 aktivitete të zbatuara;
- 12 aktivitete janë ende në proces zbatimi;
- 27 aktivitete të pazbatuara (paraportuara) nga institucioni përgjegjës (nga ku mund të përmendim A.4.2.1; A.4.3.1; A.4.4.3; A.7.3.2; A.7.3.3; A.7.3.4; A.11.3.1; B.1.2.1; B.1.2.2; B.2.3.1; B.2.3.2; B.2.3.3; B.2.3.4; B.2.3.5; B.2.4.2; B.3.4.1; B.4.1.2; B.4.3.1; B.4.4.1; C.2.1.1; C.2.2.1; C.3.1.1; C.3.1.2; C.3.1.3; C.3.1.4; C.3.1.5 dhe C.3.1.6).

Statusi i masave që kanë realizuar qëllimet e politikave (qasjet):

Nga totali prej 57 masash të parashikuara për zbatim në *janar - mars 2023*, 30 prej tyre i përkasin Qasjes A, 19 masa i përkasin Qasjes B, si dhe 8 masa Qasjes C.

Statusi i masave në Planin e Veprimit 2020 - 2023 për periudhën janar-mars 2023				
Progresi i masave	Qasja A (Parandaluese)	Qasja B (Ndëshkuese)	Qasja C (Ndërgjegjësuere)	Totali i Qasjeve
Zbatuar	19	11	4	34
Në proces	10	5	2	17
Pazbatuar	1	5	2	8
Totali	30	21	8	59



Rezultoni se nga 59 masa të parashikuara për periudhën *janar - mars 2023*, masa në vijim dhe të reja, statusi i tyre për të 3 qasjet është raportuar si më poshtë:

- 34 masa të zbatuara;
- 17 masa janë ende në proces zbatimi;
- 8 masa të pazbatuara (paraportuara) nga institucioni përgjegjës (nga ku mund të përmendim A.11.3; B.1.2; B.2.3; B.3.4; B.4.3; B.4.4; C.2.1 dhe C.3.1).

Vlerësimi i arritjeve kryesore duke përdorur masat dhe aktivitetet:

Mbështetur në informacionin mbi raportimin dhe vlerësimin e aktiviteteve dhe masave të zbatuara, realizimi i objektivëve për *janar - mars 2023*, është si më poshtë.

Dobët - 3 objektiva (objektivi A.11; B.3 dhe C.3)

Mjaftueshëm - 1 objektiv (objektivi B.4)

Mirë - 5 objektiva (objektivi A.1; A.4; B.1; B.2 dhe C.2)

Shumë mirë - 9 objektiva (objektivi: A.2; A.3; A.5; A.6; A.7; A.8; A.9; A.10 dhe C.1)

Tejkaluar – N/A objektiva.

Histori suksesi (përmes masave prioritare)

Ecuria e arritur në kuadër të përmbushjes së aktiviteteve dhe masave të parashikuara, për periudhën e monitorimit, *janar - mars 2023*, në zbatim të Planit të Veprimit 2020-2023, të Strategjisë Ndërsektoriale Kundër Korrupsionit 2015- 2023, është si më poshtë vijon:

- Agjencia e Prokurimit Publik ka publikuar një udhërrëfyes orientues për të gjitha Autoritetet Kontraktore në lidhje me zbatimin e prokurimit publik të gjelbër në Shqipëri dhe ka miratuar një ndyshim në Vendimin e Këshillit të Ministrave, “Për formën e komunikimit në procedurat e prokurimit publik”.
- AKSHI ofron garanci përdorimi shërbimesh elektronike në portalin qeveritar e-Albania, duke përmirësuar qasjen e qytetarëve ndaj shërbimeve shtetërore. Përmirësimi i infrastrukturës teknike dhe harmonizimi i të dhënave për publikim janë hapa të rëndësishëm drejt modernizimit të administratës shtetërore.
- KQZ ka kryer seanca trajnimi me financierët e partive politike lidhur me formatin e standardizuar për raportimin vjetor, përdorimin e Platformës Elektronike për raportimin financiar si dhe ka zhvilluar tryeza pune me ekspertë të fushës për të forcuar kapacitetet e stafit teknik.
- Agjencia e Mbikqyrjes Policore ka administruar 800 telefonata pranë numrit të gjelbër dhe 233 ankesa pranë sistemit të Menaxhimit të Çështjeve/Moduli i Ankesave; ka kryer një punë

proaktive në drejtim të hetimeve pranë strukturave të brendshme duke përfunduar hetimet për 34 punonjës policie.

- Policia e Shtetit ka vazhduar bashkëpunimin me partnerët ndërkombëtarë në luftën kundër kriminalitetit. Shkëmbimi i praktikave me organizatat si Interpoli, Europol dhe Departamenti i Marrëdhënieve Ndërkombëtare ka rritur efektivitetin dhe aftësinë e Policisë së Shtetit në luftën kundër krimit të organizuar dhe ka dhënë rezultate konkrete e të matshme për një periudhë afatgjatë.
- Drejtoria e Përgjithshme Antikorrupsion ka vijuar hetimet administrative mbi ankesat e administruara. Janë përfunduar 19 raporte përfundimtare hetimi administrativ dhe pas analizës së detajuar, janë propozuar 58 masa për fillimin e ecurisë disiplinore, 12 masa për largim nga detyra dhe janë dhënë 63 rekomandime. Gjithashtu, janë konstatuar/dyshuar elementë të veprave penale për disa çështje, konkretisht janë përgatitur 4 kallëzime për ndjekje penale ku janë kallëzuar 14 persona.
- Me qëllim forcimin e kapaciteteve institucionale, AAPSK ka kryer 2 trajnime gjatë kësaj periudhe raportuese kryesisht mbi rikuperimin e aseteve dhe riperdorimin social dhe punëtoria rajonale mbi konfiskimin dhe riperdorimin e pasurive kriminale.
- Ministria e Drejtësisë, në Rolin e Koordinatorit Kombëtar Kundër Korrupsionit, ka zhvilluar disa aktivitete si dhe është hartuar e publikuar buletini mujor i muajit janar, shkurt dhe mars, me një përmbledhjeve të gjithë projekteve, aktiviteteve që ka kryer KKK, i aksesueshëm në linkun <https://drejtesia.gov.al/e-buletin/>. Ministria e Drejtësisë ka vijuar me ideimin e fushatave publike dhe informimin publik në media sociale për veprimtarinë e saj institucionale.
- Koordinatorit Kombëtar kundër Korrupsionit dhe Shkolla e Magjistraturës lidhën marrëveshje bashkëpunimi për trajnimin e vazhdueshëm të Koordinatorëve Kundër Korrupsionit, përmes së cilës të dy institucionet do të bashkërendojnë veprimtarinë e tyre me qëllim formimin vazhdueshëm të koordinatorëve antikorrupsion, për të përmirësuar dhe garantuar aftësitë profesionale të tyre, në shqyrtimin e rasteve të korrupsionit dhe shpërdorimit të detyrës, si dhe kryerjen e hetimeve administrative brenda fushës së përgjegjësisë publike.
- Ministria e Bujqësisë dhe Zhvillimit Rural, së bashku me institucionet e saj të varësisë, ka realizuar një numër të lartë inspektimesh dhe ka referuar masa administrative për subjektet private të konstatuara në shkelje gjatë kësaj periudhe raportuese, gjë e cila e evidenton atë si një nga ministritë e linjës më aktive në kuadër të politikave të integritetit dhe koordinimit të gjerë institucional si organ i qeverisjes qendrore.

EKZEKUTIMI I BUXHETIT

Sipas SNKK, financimi i Planit të Veprimit realizohet nga dy burime kryesore: buxheti i shtetit dhe mbështetja financiare e partnerëve ndërkombëtarë.

Në kuadër të monitorimit të zbatimit të aktiviteteve e masave të Planit të Veprimit 2020 - 2023, edhe për këtë periudhë institucioneve përgjegjëse u është kërkuar të raportojnë mbi buxhetin e përdorur në bazë të performancës së kryer.

Buxheti i përdorur sipas objektivave dhe burimi konkret i financimit është si vijon:

A1: 48.936 lekë, mbuluar nga buxheti i shtetit, sipas parashikimit në Planin e Veprimit.

A2: 87.857 lekë, mbuluar nga buxheti i shtetit, sipas parashikimit në Planin e Veprimit.

A3: 214.400 lekë, mbuluar nga buxheti i shtetit, sipas parashikimit në Planin e Veprimit.

A4: 60.640 lekë, mbuluar nga buxheti i shtetit, sipas parashikimit në Planin e Veprimit.

A5: 19.400 lekë, mbuluar nga buxheti i shtetit.

A6: 43.300 lekë, mbuluar nga buxheti i shtetit, sipas parashikimit në Planin e Veprimit.

A7: 24.136 lekë, mbuluar nga buxheti i shtetit, sipas parashikimit në Planin e Veprimit.

A8: 28.000 lekë, mbuluar nga buxheti i shtetit.

A9: Nuk raportohen të dhëna për shkak se ky objektiv është realizuar dhe kostuar më herët.

A10: 2.848 lekë, mbuluar nga buxheti i shtetit, sipas parashikimit në Planin e Veprimit.

A11: 38.790 lekë, mbuluar nga buxheti i shtetit, sipas parashikimit në Planin e Veprimit.

B1: 590.541 lekë, mbuluar nga buxheti i shtetit, sipas parashikimit në Planin e Veprimit.

B2: 29.050 lekë, mbuluar nga buxheti i shtetit, sipas parashikimit në Planin e Veprimit.

B3: 37,5 lekë, mbuluar nga buxheti i shtetit, sipas parashikimit në Planin e Veprimit.

B4: 20.995 lekë, mbuluar nga buxheti i shtetit, sipas parashikimit në Planin e Veprimit.

C1: 155.129 lekë, mbuluar nga buxheti i shtetit.

C2: 0 lekë.

C3: 95.950 lekë, mbuluar nga buxheti i shtetit, sipas parashikimit në Planin e Veprimit.

Edhe për këtë raport monitorimi, rezulton se për një pjesë të aktiviteteve të kryera gjatë këtij viti, zbatimi, kostot vijnë të raportohen në “kosto administrative”, dhe mungon një vlerë konkrete e tyre. Në total, janë 15 aktivitete që raportohen të jenë kryer me “kosto administrative” dhe 85 aktivitete me 0 (zero) kosto/pa raportuar.

Buxheti i përdorur sipas qëllimeve të politikës/Qasjeve A-B-C, është:

Qëllimi i politikës 1 (qasja parandaluese- A)

568.347 lekë mbuluar nga buxheti i shtetit

Qëllimi i politikës 2 (qasja ndëshkuese - B)

640.623.5 lekë mbuluar nga buxheti i shtetit.

Qëllimi i politikës 3 (qasja ndërgjegjësuere - C)

251.079 lekë mbuluar nga buxheti i shtetit

Totali i buxhetit të përdorur për këtë periudhë është:

- *Financimi nga buxheti i shtetit është në shumën 1.460.049,5 lekë.*

KONKLUZIONE DHE REKOMANDIME

Mbështetur në rezultatet e monitorimit të kryer, rezulton se për periudhën *1 janar - 31 mars 2023*, fushat që kanë treguar performancë por edhe shoqëruar nga problematika janë aktivitete dhe masa të shpërndara në të gjithë objektivet specifike në të tre qëllimet e politikës (qasjet) e SNKK, parandalim (A) – ndëshkim (B) – ndërgjegjësim (C).

Institucionet kanë dëshmuar vazhdimësi, përpjekje dhe vullnet pozitiv për të zbatuar masat, kryer aktivitetet në funksion të tyre, në përputhje me buxhetet e parashikuara në planin e veprimit, mbështetjet e partnerëve ndërkombëtarë dhe vendas; si dhe janë mbështetur në burimet e tyre njerëzore dhe kapacitetet teknike profesionale të brendshme.

Organet publike dhe agjencitë e zbatimit të ligjit po vijojnë punën me të dhëna solide, krahasuar me të njëjtën periudhë të vitit të kaluar si dhe po dëshmojnë një fillim pozitiv në funksion të targetit vjetor që do duhet të arrihet në fund të vitit 2023.

Rekomandime

Në përfundim të këtij raporti, rekomandimet për vijueshmërinë e zbatimit të planit të veprimit janë:

- të fillojë kryerja e aktiviteteve dhe masave për atë objektive të strategjisë, që rezultojnë në nivelin e zbatimit dobët (*nga 0 deri në 30 për qind e masave të zbatuara*), edhe për shkak të mungesës së raportimit, përkatësisht objektivi A.11; B.3 dhe C.3.
- të raportohen kosto për çdo aktivitet që ka filluar dhe përfunduar zbatimin në këtë periudhë raportuese.
- të merren masa nga ministrinë e linjës për të monitoruar miratimin dhe zbatimin e Planeve të Integritetit nga të gjitha institucionet e tyre të varësisë.
- të raportohet vlera e aseteve të konfiskuara dhe sekuestruara që ka në administrim AAPSK gjatë kësaj periudhe monitorimi.
- të raportohen të dhëna nga prokuroritë për të mbështetur arritjet në qasjen ndëshkuese të luftës kundër korrupsionit.
- të përmirësohet përfshirja e teknologjisë informative duke shfrytëzuar më tej teknologjinë informative për të forcuar transparencën dhe luftën kundër korrupsionit, duke mbajtur parasysht zhvillimin e mëtejshëm të platformave elektronike për raportimin e rasteve të dyshuara të

korrupsionit dhe promovonin e përdorimit të teknologjisë së informacionit për të rritur efikasitetin në zbatimin e planit të veprimit.

- të nxitet përfshirja e shoqërisë civile dhe medias, e të inkurajohet pjesëmarrja aktive e shoqërisë civile në monitorimin e zbatimit të planit të veprimit. Organizimi i takimeve të rregullta, konsultime publike dhe prezantime të raporteve për të siguruar një ndjeshmëri më të gjerë ndaj çështjeve të korrupsionit dhe të ndërveprimit me institucionet publike.
- të forcohen kapacitetet institucionale dhe të investohet në trajnimin dhe ngritjen e kapaciteteve të punonjësve të institucioneve (pikat e kontaktit antikorrupsion) për të menaxhuar dhe zbatuar politikat dhe masat kundër korrupsionit. Të sigurohet gjithashtu që ata të kenë njohuri të mjaftueshme në lidhje me ligjet, rregulloret dhe procedurat e ndjekura në fushën antikorrupsion.
- të monitorohen dhe vlerësohen rezultatet, duke mbledhur dhe analizuar të dhënat për të matur efektivitetin e masave të ndërmarra dhe identifikuar çështjet që duhet të adresohen më tej. Ky proces duhet të kryhet sidomos nga institucionet qendrore në raport me institucionet e tyre të varësisë. Është e rëndësishme të sigurohet që të gjitha agjencitë dhe institucionet relevante të punojnë së bashku dhe të ndërveprojnë për të arritur qëllimet e planit të veprimit. Në vijim do duhet të kushtohet një vëmendje me e madhe drejt përmirësimit dhe koordinimit mes tyre dhe që të ketë një shkëmbim të rregullt të informacionit dhe bashkëpunimit.

Vlerësimi i sfidave, boshllëqeve dhe joefikasitetit

Rezulton se ndër objektivet me mungesë të plotë realizueshmërie për periudhën raportuese (edhe për arsye të mungesës së raportimit), *janar - mars 2023*, është objektivi C.3. Në këtë raport ka gjithashtu një mungesë informacioni për buxhetin e një sërë masave dhe aktiviteteve si dhe mungon një vlerësim i nevojave konkrete, për fushat që kanë riskun më të lartë.

Një sfidë e rëndësishme është zbatimi efektiv i ligjit, duke siguruar kontroll dhe monitorim të vazhdueshëm, të plotë dhe të gjithanshëm për institucionet dhe agjencitë qendrore apo vendore, duke rritur besimin e publikut dhe përpjekjet për luftën kundër korrupsionit.

Mungesa e shqyrtimit të rasteve të dyshuara të korrupsionit apo praktikave abusive, të publikuara apo raportuara, në disa raste, mund të jetë për shkak të mungesës së burimeve të mjaftueshme, mungesës së bashkëpunimit apo ngadalësimit të proceseve dhe vështirësive në sigurimin e provave. Për këtë shkak nevojitet një rikualifikim i nevojave institucionale dhe investime të dedikuara në infrastrukturë.

Boshllëk në mbikëqyrjen financiare: Kontrolli financiar dhe mbikëqyrja e financave publike janë thelbësore për parandalimin e korrupsionit. Megjithatë, në disa raste, ka boshllëqe në sistemin e mbikëqyrjes financiare, duke e bërë më të lehtë për zyrtarët të kryejnë veprime të parregullta apo të paligjshme me paratë publike.

Është e rëndësishme të adresohen këto sfida dhe boshllëqe për të forcuar luftën kundër korrupsionit. Rekomandimet e mësipërme dhe angazhimi i vazhdueshëm i institucioneve për të

përmirësuar zbatimin e masave antikorrupsion mund të ndihmojnë në adresimin e këtyre sfidave dhe në përmirësimin e efikasitetit në luftën kundër korrupsionit.

Vlerësimi i riskut duke përdorur masat dhe aktivitetet

Në këtë raport monitorimi, *janar - mars 2023*, ndër risqet që u evidentuan kryesisht, janë të lidhura me kapacitetet teknike, institucionale, proceset e punës, asistenca teknike, bashkëpunimi institucional dhe mjedisi rregullator.

Objektivët të cilat paraqesin një nivel të lartë risku janë objektivat A11, B.2, B.3, B.4 dhe C3.

Objekivi A11 ka një nivel të lartë risku sa i takon përgatitjes së Planeve Vendore të Integritetit dhe përcaktimit të një buxheti specifik për implementimin e tyre, pasi mosmiratimi i tyre në kohë, rrezikon, ndër të tjera, arrijen e indikatorit të mbështetjes buxhetore, edhe në funksion të projekteve IPA.

Objektivët B.2 dhe B.3 kanë një nivel të lartë risku për shkak të nevojës së koordinimit të punës mes organeve ligjzbatuese në miratimin, ngritjen dhe vënien në funksion të ZRA dhe adresimit të mbivendosijeve dhe/ose boshllëqeve në mandatet institucionale, hetimet e dyfishta ose të njëkohshme, etj.

Objekivi B.4 paraqet gjithashtu një nivel të lartë risku për shkak se elementët e tij përbërës si psh. nënshkrimi i marrëveshjeve të reja, rritja e aksesit të mëtejshëm në bazat e të dhënave, forcimi i bashkëpunimit ndër-institucional apo hartimi i procedurave standarde dhe mekanizmave të bashkëpunimit janë parakushte të një *trak record-i* solid të organeve të zbatimit të ligjit në qasjen ndëshkuese.

Në kuadër të qasjes ndërgjegjësuere, objekivi C.3 paraqet një rëndësi të madhe dhe një risk të shtuar edhe për shkak të faktit se rezulton me një realizueshmëri të dobët në mënyrë të përsëritur në periudha të ndryshme të raporteve të monitorimit.

Në përfundim, të gjitha institucionet zbatuese të këtij plani veprimi, duhet të marrin në konsideratë këtë analizë dhe të shtojnë përpjekjet për zbatimin e masave dhe aktiviteteve duke pasur si prioritet arritjen e vlerave të përcaktuara për të arritur qëllimin e objektivëve specifike. Në raportin e ardhshëm të monitorimit, *janar - qershor 2023*, do të ketë një analizë të shtuar të treguesve të performancës.

Hapat e rradhës

Në përmbyllje të këtij raporti monitorimi për periudhën *janar-mars 2023*, të gjetjeve që ky raport na ofron, të të dhënave analitike që institucionet kanë raportuar dhe të analizës së kryer, adresohen të ndërmerren këto hapa në vijim:

A.4 Përmirësimi i trajtimit të denoncimeve ndaj korrupsionit:

Institucionet publike do duhet të koordinojnë përpjekjet dhe të monitorojnë në mënyrë proaktive median e shkruar dhe elektronike për të marrë dijeni dhe trajtuar në kohë ankesat e denoncuar publikisht për krimin e korrupsionit.

A7: Përmirësimi i efikasitetit të auditimit dhe inspektimit të brendshëm dhe përdorimi sistematik i analizave të riskut:

Kërkohet rritja e kapaciteteve të auditit të brendshëm, dhe nga ana tjetër të shtohet numri i autoriteteve publike të cilat janë pjesë e vlerësimit të performances së veprimtarisë audituese.

A.11 Adaptimi i politikave antikorrupsion në nivelin e qeverisjes vendore:

Të vijojë procesi i hartimit të planeve të integritetit në njësitë e qeverisjes vendore duke dedikuar edhe një pjesë të buxhetit për zbatimin e tyre, në mënyrë që të plotësohet objektivi për kushtet e mbështetjes buxhetore.

B2: Përmirësimi i bashkëpunimit midis institucioneve ligjzbatuese në ndjekjen penale dhe ndërshkrimin penal të korrupsionit:

Dhënia teknike e aksesit për 14 përdorues të Prokurorisë së Përgjithshme, në bazën e të dhënave të Drejtorisë së Përgjithshme të Doganave, në zbatim të Memorandumit të Bashkëpunimit “Për dhënien e të drejtës së aksesit në bazën e të dhënave të Drejtorisë së Përgjithshme të Doganave, Prokurorisë së Përgjithshme”.

Ngritja e grupeve të përbashkëta të punës dhe hartimi i planeve të punës e planeve të veprimit me fokus hetimin e korrupsionit duhet adresuar me prioritet midis AMP, Policisë së Shtetit, Prokurorisë së Përgjithshme, SPAK dhe partnerëve ndërkombëtarë si dhe koordinimi i punës mes organeve ligjzbatuese për vënien në funksion të ZRA.

B.4. Përmirësimi i bashkëpunimit gjyqësor dhe policor ndërkombëtar në luftën kundër korrupsionit:

Të plotësohet raportimi për këtë objektiv dhe të forcohen kapacitetet e skuadrave të përbashkëta hetimore të ngritura për hetimin e veprave penale në fushën e korrupsionit.

C 1: Ndërgjegjësimi dhe edukimi i publikut të gjerë mbi pasojat e korrupsionit

Të vijojë realizimi i produkteve në përputhje me çfarë është arritur deri tani, duke mbajtur në vëmendje ato aktivitete që rezultojnë të realizuara pjesërisht/në proces.

C.3. Inkurajimi i bashkëpunimit me shoqërinë civile:

Të sigurohet efektiviteti i thirrjeve të hapura për propozime specifike në luftën kundër korrupsionit, të financuara nga AMSHC si dhe të merren masat për bashkëpunimin me Policinë e Shtetit për gjenerimin e raporteve vlerësuese.

DRAFT